



SAKSPAPIR

Saksnr	Utval	Type	Dato
04/2021	Formannskap/plan- og økonomiutvalet	PS	26.01.2021

Sakshandsamar	Arkiv	ArkivsakID
Helge Berset		21/70

UTKAST TIL INTERKOMMUNAL PLAN FOR SJØOMRÅDA I NORDHORDLAND - ORIENTERINGSSAK

Vedlegg:

IKP Sjøareal NH Planprogram - utkast 15.01.2021
20210115 Oversending kommunane utkast planprogram

Rådmannen sitt framlegg til vedtak:

Vaksdal kommune tek utkastet til orientering og har følgjande innspel til planprogrammet:

Formannskap/plan- og økonomiutvalet - Sak 04/2021

FPØ - Behandling:

Formannskapet drøfta saka.

Formannskapet vedtok samrøystes å ta saka til orientering.

FPØ - Tilråding/Vedtak:

Vaksdal kommune tek utkastet til orientering.

Bakgrunn for saka

Nordhordland Utviklingsselskap IKS har oversendt Vaksdal kommune utkast til planprogram for Interkommunal plan for sjøområda i kommunane Alver, Austrheim, Fedje, Gulen, Masfjorden, Modalen, Osterøy og Vaksdal.

Ved kommuneplaner/delplanar skal det utarbeidast eit planprogram som gjer greie for formålet med

planarbeidet, planprosessen med frister og deltakarar, opplegg for medvedknad, kva alternativer som skal vurderast og behovet for utgreiingar.

Arbeidsgruppa har utarbeidd eit framlegg til planprogram. Det er også lagt fram ein tidlegare versjon for det Interkommunale planutvalet (IKPU) i møte 11.12.2020. Ordførar er kommunen sin representant i IKPU.

For å sikre ei god forankring i kommunane vert no eit utkast til planprogram sendt til kommunane for gjennomsyn og orientering. Utkastet til planprogram vert lagt fram for planutvalet i kommunen til orientering og innspel. For å halde tidsplanen må Nordhordland Utviklingsselskap få skriftleg tilbakemelding innan 28. februar 2020.

Innspela frå kommunane vil bli lagt fram for IKPU og vil bli vurdert i det endelege planprogrammet som IKPU sender ut på offentlig høyring. Målet er at det skal skje i mars månad.

Planen skal vere ein arealplan for sjøareala, der heilskapen blir ivaretatt over kommunegrensene. Gjennom planarbeidet skal det utviklast langsiktige rammer for berekraftig arealbruk, forvaltning og verdiskaping i sjøområda. Planen skal munne ut i ein juridisk bindande plan på kommuneplannivå.

Arealplanen skal syne hovudtrekka i korleis areala skal nyttast og vernast, og kva viktige omsyn som må takast vare på ved disponeringa av areala. Planen skal gi grunnlag for langsiktig og positiv samfunnsutvikling i kommunane både med omsyn til næringsutvikling og bulyst.

Planen skal vere eit kunnskapsbasert forvaltningsverktøy for kommunane. Gjennom planarbeidet skal det utviklast langsiktige rammer for berekraftig arealbruk, forvaltning og verdiskaping i kystsona.

Planen vil ta utgangspunkt i gjeldande planar og arealbruk i dei respektive kommunar. Vaksdal kommune vedtok hausten 2019 ny kommuneplan med arealdel.

Statens vegvesen og Bane Nor arbeider med statleg reguleringsplan for veg og bane mellom Arna og Stanghelle. Denne planen vil få konsekvensar for sjøareala i kommunen. Konsekvensane av eit slikt tiltak vil verte gjort greie for i reguleringsplanen. Det er berre eitt fiskeoppdrett igjen i kommunen, dette ligg ved Sandvik. Det er ikkje satt av areal til akvakultur i kommuneplanen. Det har vore mykje og variert aktivitet på sjøareala i kommunen opp gjennom historia. Mykje av denne aktiviteten har vore knytt opp i mot fiskeri, og då særleg laksefiske. I samband med laksefisketer det spesielt dei gamle sitjenøtene langs fjordane som peikar seg ut. Gammersvik, Sandvik, Straume, Simmenes og Stamnes er blant dei plassane som har slike.

Ein arealplan skal vise hovudtrekka i korleis areala skal brukast og vernast, samt kva omsyn som må takast i vare ved disponering av sjøareala. Arealdelen er eit verktøy for å gjennomføre samfunnsdelen i kommuneplanen, samtidig som arealdelen skal vere utforma i eit langsiktig perspektiv. Dette inneber at den interkommunale planen for sjøareal bør ha rom for framtidig utvikling.

Innspela frå kommunane vil bli lagt fram for IKPU og vil bli vurdert i det endelege planprogrammet som IKPU sender ut på offentlig høyring. Planen er at det skal skje i mars månad.